

師相續

曠
詩

鶴傳

禽
鳥

經經名



相

鶴

經

周履靖
校梓

中
華
書
局

叢書集成初編

師曠禽經（及其他兩種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

相鶴經

嘉禾梅墟周履靖校梓

鶴者陽鳥也而遊於陰因金氣依火精以自養
金數九火數七故稟其純陽也生二年子毛落
而黑毛易三年頂赤爲羽翮其七年小變而飛
薄雲漢復七年聲應節而晝夜十二時鳴鳴則
中律百六十年大變而不食生物故大毛落而
茸毛生乃潔白如雪故泥水不能汚或卽純黑
而緇盡成膏矣復百六十年變止而雌雄相視

目睛不轉則有孕千六百年形定飲而不食與鸞鳳同羣胎化而產爲仙人之騏驎矣夫聲聞于天故頂赤食於水故啄長軒於前故後指短棲於陸故足高而尾周翔於雲故毛豐而肉踈且大喉以吐故脩頸以納新故天壽不可量所以體無青黃二色者土木之氣內養故不表於外也是以行必依洲嶼止不集林木蓋羽族之清崇者也王策紀曰千載之鶴隨時而鳴能翔于霄漢其未千載者終不及於漢也其相曰瘦

頭朱頂則冲霄露眼黑睛則視遠隆臯短喙則

少瞑眊

故解反又音諧

頰髀

得宅反

耳則知時

長頸竦身則能鳴鴻翅鵠膺則體輕鳳翼雀尾
則善飛龜背鼈腹則伏產軒前垂後則會舞高
脰麤節則足力洪髀纖指則好翹聖人在位則
與鳳皇翔于郊甸

其經一通乃浮丘伯授王子晉之書也崔文
子學道於子晉得其文藏嵩山石室中淮南
八公採藥得之遂傳于世

相鶴訣

鶴不難相人必清於鶴而後可以相鶴矣夫頂
丹脰碧毛羽瑩潔頸纖而脩身聳而正足癯而
節高頗類不食烟火人可謂之鶴望之如鴈驚
鷺鵲然斯爲下矣養以屋必近水竹給以料必
備魚稻蓄以籠飼以熟之食則塵濁而乏精采
豈鶴俗也人俗之耳欲教以舞候其餒寔食於
闕遠處拊掌誘之則奮翼而唳若舞狀久則聞
拊掌而必起此食豈若仙家和氣自然之感召

哉今仙種恐未易得惟華亭種差強耳